

YORITIB BERISH

16. 6 va 10-bandlarda talab qilingan axborotni ochib berishga qo'shimcha ravishda quyidagi axborotlarni ham ko'rsatib berish lozim:

16.1. Yirik sho'ba jamiyatlar ro'yxati, ular joylashgan yoki ro'yxatga olingan mamlakatlar, o'z mulki ulushi yoki ular mulk ulushiga egalik qilmasa, ovoz berish huquqiga ega bo'lgan aksiyalar miqdori ham ko'rsatiladi;

16.2. Sho'ba jamiyat hisoboti konsolidasiyalashgan hisobotga kiritilmagani sabablari;

16.3. Bosh va sho'ba jamiyat o'rtasidagi bosh jamiyatga sho'ba jamiyat ustidan bosh jamiyat bevosita yoki sho'ba jamiyat orqali bilvosita ovozlar miqdorining yarmidan ko'prog'iga ega bo'lmagan hollarda uni nazorat qilishga imkon beradigan o'zaro munosabatlar tabiati;

16.4. Bevosita yoki sho'ba jamiyatlar orqali bilvosita ovozlarining yarmidan ko'prog'iga egalik qiladigan, lekin nazorat yo'qligi sababli sho'ba jamiyat hisoblanmaydigan jamiyatlarning nomlari;

16.5. Jamiyatni sotib olish (barpo etish) va sotish (tugatish)ning hisobot yilidagi moliyaviy ahvolga, natijalarining hisobot davridagi ahvolga va oldingi davrga tegishli miqdorga ta'siri;

16.6. Bosh jamiyat alohida moliyaviy hisobotida sho'ba jamiyatga yo'naltirilgan investisiyalarni hisobga olish uchun foydalanilgan usul.